

鍾祥縣志

熊道琛署

鍾祥縣志

熊道琛署

中華民國二十六
年二月刊於首都

鍾祥縣志卷之三

建置

鍾祥自晉以後爲郡治周以後爲州治元明以後爲道治府治其城郭廨署及他建設事規模自較宏遠明之中葉世宗以肇基斯土號稱興都顯陵工程旣派大臣督辦而新宮舊邸土木浩繁尤非他州縣所有舊志以故籍無徵語焉不詳近得興都承天兩志讀之鋪張揚厲侈爲美談爲地方掌故計自宜分別紀述然而明社旣屋焚燬已多清初名稱雖改官制仍舊尙可溯厥梗概未幾而守道裁未幾而荆當沔劃分凡遺跡未盡湮者敗瓦頽垣徒供考古者之憑弔矧自鼎革以來府制復廢舊日府署今且改稱縣政府諸不合現在法度者蓋皆在古蹟之列或併入其他門類茲撮其要者分著於篇

城池

易曰王公設險以守其國又曰重門擊柝以待暴客蓋城郭堅固外侮無虞是固

金 示 東 二
州縣之重事也縣城即古石城遺基背山臨水號稱天險歷代修造已分詳大事
記近自毀城之舉風行海內吾縣寅賓拱辰兩門雉堞已漸次剗平會以匪警而
止嗣赤軍入寇卒憑城而守得免浩劫匪退復築外城以資捍衛此十年內事也
然則城固可輕言毀哉

舊城凡五門曰寅賓俗稱大東門曰文昌俗稱小東門南曰陽春西曰石城北曰拱
辰周七里有奇高二丈五尺惟女牆舊稱一千三百九十有八今已無幾大礮台
十二座小礮台三十有七座窩鋪十有七垛口四百七十有奇更鮮有存者按宋
乾道淳熙間都統趙樽郭果相繼築子城羅城堡塞城凡四門曰行春曰富水曰
宣風曰雄楚元季邱墟明初吳復因舊址拓而大之東北並跨山岡西臨漢水內
外悉甃以甃增設五門嘉靖中又建陽春門及月城重門門各有樓壘基以石榜
正樓曰顯親達孝崇禎十一年巡按林銘球題請加增五尺內添女牆委主簿徐
大成督修十三年守道吳尙默知府賈元勳知縣蕭漢復建外城四關廂各置門

門各有樓東曰懷德維寧西曰石城關南曰二南關北曰北門鎖鑰十六年爲闖賊所燬清初知縣王善行修養冲知府李起元相繼補葺至十年總兵萬代程率隊分築尙有碑記可考康熙元年知府張崇德知縣程起鵬復修之時稱正東曰閱武東南曰威武南曰陽春西曰石城北曰拱辰至同治五年知縣孫福海詳請更閱武曰寅賓更威武曰文昌今仍之五門各有樓惟北門城樓久廢其門亦惑

形家之說砌以磚石閉而不啟縣人萬子受常作開北門說

略曰郢城自良方進脉入城左爲崇祜山

右爲陽春台北門居乾方乃天門也門外溪水環流是爲水纏玄武近有太乙金星隱爲之託遠有七星台爲之抱有松林山爲之障並不坐空城內當面又有關廟爲

之鎮全不犯煞斯門一啟導滯宜幽有益地方非小况本城外青龍滯水注之丙方逆流至西門大橋而合襟白虎溪水接玄武長流二十餘里而下至白鶴觀丁方有

宮塘之水來會所謂寒溫相濟凶煞全清者也此門一開陽不亢而陰不鬱不但災

診可弭抑且閭閻之安寧可臻學校之譽髦日隆矣再查府署坐察院之前縣學偏此門之左並不相值且山澤通氣正所以達上下之情而風從水斷豈有飄揭之患若開此門有益無損立此說以俟之今門已開但開自何時

殊無可考南門西門兩樓康熙間經知縣武昌國張琴重新南樓署曰迎薰西樓署曰漢江春秋佳日往往爲游人憑眺之所民國十七年知事孫光輝折毀無遺

時毀城之說甚囂塵上孫折樓而未及城蓋未爲不幸也至修繕之費舊志載乾隆中知縣王鴻典以縣城即府城詳請援荊黃二府例遇有坍塌劃段歸所屬各縣分行擔任府制已廢無庸備載

舊池據興都志載自陽春之石城延一百有五十丈廣一十有三丈深二丈四尺有五寸之拱辰延二百七十有八丈深四丈之閱武延三百二十有三丈廣俱十丈深五丈之威武延一百七十有九丈廣一十有二丈深四丈有七尺復環於陽春延八十有九丈廣十丈有九尺深二丈有五尺至程志則僅約其詞曰深約二丈廣約四丈陵谷變遷已不勝今昔之感李志謂自天坑以下至威武門承天志舊載寬約八丈深半之威武門至石城門寬約二丈五尺今威武門以下亦然八丈四丈之形迹固宛然也杜志及同治志均沿其說視清初情形又未可同日語也然當髮捻初平駐軍唐玉和嘗以所部士卒五百人就城濠故道重事修濬知府陳建侯嘗爲之記曾於碑目著之近自添築土城此項城濠悉圈入城內已無復

池之可言矣

新城即民國二十一年所築土城也北自方城起經白虎頭南經山坡子胥台文昌閣構木山下坡上審坡山折而東包塔院傍祖師殿漢神廟與報恩寺之欄馬牆接於其盡處置柵欄守之又於寺坡後利涉橋頭各築一段以斷敵來之路西則始於上河街之太和宮繞下河街分二支一抵西城濠於濠北通衢築一小段斷敵來路如寺坡宮塘之前後一支折而南經下河街高姓宅後東南行踰碼頭街壓市坑抵大街外之涂家巷至元佑宮西止方城太和宮涂家巷各置柵欄守之以兵又於子胥台構山頂各置礮台一座雉堞亦具按是城創議於駐軍旅長丁治榮及知事嚴祥雲經費捐自居民共用洋六七千元駐軍酬勞費五千元春初經始夏初告成期速費廉地方恃爲屏障當舉國毀城之時而竟有是舉亦可謂卓然不惑矣

解署

縣署爲官吏治事之所官制變更解署因之鍾祥舊存解署以十數計雖各有建置歷史既經廢棄無庸縷列按照現制若教育司法財政警察等職皆爲一縣要政然比年以來忽立專署忽隸縣府厥居未定亦無從登載茲所紀者曰縣政府曰各區行政公所區制現改五區其公署尙待組織姑錄大概至黨爲最高機關既立專部併著於篇

縣政府在陽春門內即宋郢州署明承天府署而清之安陸府署也民初嘗爲軍部駐節處十五年改縣知事爲縣長始建縣政府於此門堂廳室規模如舊而分別部居則概從今制南北凡七進合東西面積計之可五十畝許頭門內爲民衆教育館閱覽部游藝部儀門內爲駐中隊之所三進中爲公堂左推收所右糧櫃再左爲電話室傳達室就昔號房爲之四進左收發處候審室在其北右水災分會戒煙所五進法庭位其中左財務委員會審核組又左爲廚房右財務委員會出納組六進中走廊左督學室再左第一科軍械處在其東北右第三科再右第二

科其上左爲縣長室右秘書室會計監印二室又在其右七進總辦公廳其上樓曰楚望左卷室右行政辦公室此由南至北之大概情形也由傳達室闢一門通前教育局分三進前進大門內爲課桑園中進辦公室即孟亭今爲無線電收音處後進局長室及各組室今爲縣志局此皆在府左也由財委會右闢一門直通南端爲公安科其會議廳即就舊集思廣益軒爲之爲司法科爲司法卷室辦公拘留各室皆備北端爲大隊部界之以牆此皆在府右也

按府爲宋明舊署其建置如何據清初安陸府志

志稱宋鄧州治在子城內其戟門外有宣詔亭頌春亭陽春亭州廳後有白雪樓五客堂旁爲孟亭今惟孟亭尙存餘皆不可考矣至明代建置據府志稱承天府治即

安陸州治拓之州大門西向其址稍北移而南門南向知府茹鳴金創建其堂顏曰亮采知府吳愷扁之兩翼爲首領之幕兩廡爲六房南爲儀門儀門外爲大門門上

覆以筒瓦視順應二府制堂後會食之所曰自公堂知府郭甲匾之左右室爲庫後堂之內爲郡守私廨左之東北曰清軍廳稍前爲白雪亭又南爲理刑廳又南爲四

首領衙右之西曰管糧廳西北爲捕道廳捕道改駐沙洋有公館儀門外左爲延賓館右爲司獄司土地祠舊西向稍狹隘不便展拜萬曆二十九年改向南在賓館後

高曠與賓館等大門外左右陰陽醫學及榜房全署規制歷歷如繪於建置內誠占重要價值故備錄之有清一代迭經修葺而以康熙五年知府張崇德道光二十七

年知府賈世陶工程爲最鉅張賈均有碑記張記略賈於建置事頗詳茲採其記末之詞曰其爲門者三曰頭門凡三間曰儀門凡三間曰宅門東西皆有廊三間爲堂

者三曰大堂凡三楹曰二堂五楹曰三堂五楹頭門內東西科房二十四間樓稱是吏之承役
者居焉東箭廳三間為歲試武童之所儀門內東西科房二十四間樓稱是吏之承役
之東者居焉大堂兩翼為東官廳六間屬吏之入謁憩焉宅門內東西客舍四間二堂
為會計之室四間又西為北廳五間南廳三間客舍十五間必頂亭居其旁下有寮三
間北廳後為內公舍五間長廊二間又其後為客舍十五間必頂亭居其旁下有寮三
東西有廊共六間其為祠者一曰祀望樓神凡三堂後面其為亭者二曰孟亭曰白雲
祀土地三堂西偏其為樓者一曰楚望樓神凡三堂後面其為亭者二曰孟亭曰白雲
亭當三堂東偏垣周其舍甬壁峙其前射堂直其左總費工銀一萬六千兩有奇經
始於二十七年四月閱五月落成抑考張買先後重修府署張阮於火買阮於水買
重修署後築護城隄以防水患府署得保無恙今年護城隄潰
縣政府水高丈餘其坍塌已不一而足蓋又需籌款修葺也

第一區署設在縣城內

第二區署設在白口

第三區署設在石牌

第四區署設在雙河口

第五區署設在長壽店

按區制迭有變更右列五區係於二十五年十月成立所謂現行制度也惟各區

區署組織伊始無從詳紀姑就設署地址臚列如右

縣黨部就舊典史署設立在文昌寅賓二門之間門南向有內廳外廳左右各有廂

房規制尙爲宏敞

按舊典史署在舊縣署儀門西與舊縣丞署對峙舊縣署創立於明嘉靖十年即威武門內東阜上故廣盈倉射圃址爲之堂

撫具制明末燬於乾隆四十年知縣程起鵬始復其舊具詳碑記時縣丞應駐治所故與典史署分設於縣署儀門之外自乾隆十一年縣丞移駐石碑其署遂廢惟典史署獨存咸豐四年縣署經孔賊焚燬典史署亦付一炬光緒初始修復之民元以後知事仍駐縣署自十五年知事改稱縣長建縣政府於舊府署黨部始就典史署成立其舊縣署改爲司法公署司法廢止迭爲軍隊及本縣團防駐紮厥居靡常莠民乘間竊毀無復當年宏敞之舊獨典史署以黨部成立尙可考厥遺規特綴述崖略以備後之關心建置沿革者得有所考焉

關廂

中菓園有北關南關東街有東關西關其上皆置吏樓爲更夫住宿之所大街南有關曰南薰十字街四面皆有關其在北者曰朝陽餘名未詳無更樓更夫各鄉鎮似此者頗多近雖廢置不講其關猶巍然存在據舊志所載清乾隆五十七年捕廳高振基督令里民於街道盡頭穿錯巷口之處各捐資設立柵欄巨釘堅木極

爲完固以防宵小之竊發此項柵欄與關廂實相表裏近亦多有存者又按興都志載明初三關一在陽春門外曰南津一在直河一在唐港均設軍五十人戍守後省之云云其迹已不可考矣

鄉市

鄉市所有街衢集鎮等名詳民政內區域欄茲所述者宋長壽治慕化安定二鄉明洪武中有清平臺陂字原子時豐歲穩六村又增太平一坊設安陸州時即有城南城北新興花山四大村成化有中遷民十里總名安遠正德初有安化安豐二里嘉靖十年割荆門望鄉三里馬良七里來屬均於歷史有關故詳之

津渡

全縣津渡表

地點	在城何方及里數	船隻現狀	如何收費	其他
皇庄廟渡	城西八里尙	好	附近居民夏秋二季收糧食一斗至三斗不等行旅	對岸趙家灘渡口在襄河東

迎河店	城西九里	尙	好	則一人納錢百文或二百文水漲則昂至三五角	對岸馬家巷合下四渡均在河西
西河店	城西九里	尙	好同	則一人納錢百文或二百文水漲則昂至三五角	對岸沙灘
中埠頭	城西九里	尙	好同		對岸鍾荆汽車路
下埠頭	城西九里	尙	好同		對岸沙灘無名
划子口	城西南十里	船視以上各處爲好	同		對岸沙灘無名
辛合口	城西南十五里	尙	好同		清咸豐壬子隄潰至辛西方合龍口故名
周家嘴	城西南二十五里	尙	好同		
尖樹	城西南二十八里	尙	好同		
唐港	城西南四十里	尙	好同		
新碼頭	城西南五十里	尙	好同		對岸王龍港

石	牌	城西南七十里	尙	好	同	上	
張公	菴	城西南七十二里	尙	好	同	上	
劉公	菴	城西南七十七里八里	尙	好	同	上	
眞君	廟	城西南八十餘里	尙	好	同	上	
三官	廟	城西南九十里	尙	好	同	上	對面馬良
白	口	城西南百里	尙	好	同	上	以上襄河流域由城西南而下各津渡里數均以河東計算
林家	灣	城西北十一里	尙	好	同	上	以下襄河由城西北而上各津渡里數亦以河東計算
二神	廟	城西北三十里	尙	好	同	上	對岸沿山頭
龔家	集	城西北四十里	尙	好	同	上	對岸涂尤集及周家集
薛家	集	城西北四十里	尙	好	同	上	對岸廖家嘴

全縣橋梁表

橋梁

楓梓堰	城西北六十里	尙	好	同	上	對岸鄒家嘴
賀家集	城西北八十里	尙	好	同	上	
直河	城北十五里	尙	好	同	上	
殷家河	城北十八里	尙	好	同	上	
洋梓東渡	城東北三十三里	尙	好	同	上	
洋梓西渡	城東北三十里	尙	好	同	上	
豐樂河	城北九十里	尙	好	同	上	對岸轉斗灣
戴家集	城北百五里	尙	好	同	上	與宜城毗連但渡口屬鍾祥下同
流水溝	城北百三十里	尙	好	同	上	

名稱地點

在城何方及里數

建築年月及人民

木或磚石

現

狀

其

他

玉石橋	皇城門	城內	明	石	民舍環居僅露橋脊丈餘	按此即明興藩御溝河遺址
寅賓橋	寅賓門外	城東百武		磚石	漸就傾圮	
下城河橋	下城河	城東百武	民二十三年春里人李堯天等募資修補	磚石	修復完好	此橋為天坑水通城河之要道
蔡家橋	吳家巷	城東半里		磚石	漸就傾圮	
城河橋	文昌門外	距城百武		石	商市左右居民時加修理甚完好	
金沙橋	文昌門外	文昌門外步南數百步		磚石	尚完好惟地稍僻居民時傾圮漳日漸淤塞	按此橋係通中後菓園經廣慈閣之水會天坑西來之水以注城河毗連數十武尚有一橋為城河正流所經
三步兩橋	中菓園	文昌門外半里		石	完好	
昇仙橋	青泥灣	文昌門外二里		磚石	民二十四年為水衝壞現已修復	相傳為梅福昇仙處曾渭有記
利涉橋	元佑宮街	文昌門外二里	清順治十六年邑人鄭茂泰鄭宜繩蔣杰重修道光十八年復修	石	兩沿各有石欄防人失足今已折毀無餘	